

ASNJË FJALË NUK FRYMON

---

ADEM ZAPLLUZHA

ASNJË FJALË  
NUK FRYMON

Redaktor:  
Adnan Abrashi

Recensent:  
Mazllum Baraliu

Lektor:  
Ahmet Pllana

ASNJË FJALË NUK FRYMON

---

ADEM ZAPLLUZHA

# ASNJË FJALË NUK FRYMON

Shoqata e Shkrimtarëve  
“Fahri Fazliu”  
Kastriot, 2014



## **ATY KU FJALËT PËRHERË FRYMOJNË...**

**“Poezia shfaqet si njohje e drejtpërdrejtë për fshehtësinë e tmerrshme, të cilën jeta e jonë, e rrëmbyer nga fshehtësia kozmike, ia parashtron vetvetes**

**( Roland dë Penvil)**

“Ma jepni një fjalë të bukur dhe unë nga ajo do ta krijoj poezinë ”, kështu, në mes tjerash, kishte deklaruar në një emision televiziv poeti ynë i madh dhe miku im i dashur, Adem Zaplluzha. Nga ai emision i vlefshëm dhe i pasur prezantues, jo rastësisht i shkëputa mu këto fjalë për ta shprehur kështu në metaforë botëkuptimin tim që kam për të, sikur një “krijues përherë i kapluar nga transi poetik”.Vërtet, si ta vlerësosh ndryshe këtë poet tonë të shquar cilësor, e mbi të gjitha të begatshëm sasior, sikurse është Adem Zaplluzha, i cili, së bashku me këtë vepër konkrete në botim, edhe më tepër e pasuron visarin tonë të krijimtarisë së gjithmbarshme poetike kombëtare, duke marrë pjesë aty me gjithsej 86 vepra të veta të botuara në poezi. Po ta kesh parasysh gjithë këtë opus përmbledhjesh poetike të botuara nga një autor i vetëm krijues, fiton përshtypjen se ke të bësh me një njeri i cili nuk njeh kotësinë. Si duket, çdo hap për të në jetë është përsiatje, trans i veçantë i përqendrimit shpirtëror, gjendje kjo e duhur

transcendentale, nga e cila si vetëdije gufon vargu poetik i thurur në poezi.

Gjithnjë kam menduar se kritika letrare për një vepër të shkruar artistike, e veçanërisht për një vepër të zhanrit poetik, bëhet nga profesionist e fushës së caktuar adekuate. Andaj, në momentin kur, poeti dhe miku im i dashur, Adem Zaplluzha, kërkoi nga unë që të jem redaktor i veprës së tij të 86-të me rend në poezi, titulluar: "Asnjë fjalë nuk frymon", t'ju them të drejtën, në fillim u befasova shumë. Edhe pse, që më parë i kisha të lexuar shumicën e veprave të tij, dhe, sado-kudo, në vete veç kisha të formuar një koncept të përgjithshëm si bindje për frymën e tij krijuese, tashti këtë ofertë e përjetova, jo më si dikur, një ftesë për një debat të ndërsjellë miqësor, por si një sfidë serioze për një vlerësim më autoritaiv që pas vete ka një përgjegjësi më të madhe publike. Natyrisht, përveçse si obligim, njëkohësisht ky besim për mua ishte edhe një privilegje e madhe, të cilën assesi nuk mundja ta refuzoja.

Duke lexuar me vëmendje veprën në dorëshkrim, gjëja e parë që menjëherë më ra në sy ishte metafora e paradoksit të titullit të përzgjedhur nga vetë autori: "Asnjë fjalë nuk frymon"?! Si redaktor, t'ju them të drejtën, këtu pak hamendësova, por shpejtë u binda se pikërisht ky emërtim metaforik i kësaj vepre, shprehë realitetin tjetër paradoksal të asaj që duhet të thuhet për poezinë e Adem

Zaplluzhës: se çdo fjalë frymon fuqishëm në vargun të tij poetik. Aq fuqishëm saqë emocionalisht nuk e lë indiferent edhe dashamirin e zakonshëm dhe jo aq të pasionuar të poezisë. Ai, mbase, këtë joshje fascinante të përfitimit të lexuesit e bënë në mënyrë automatike... dhe, pikërisht këtu fshihet mrekullia krijuese e një autori të begatë që ne zakonisht e vlerësojmë si “talent”. Talent të radhë, pa dyshim.

Pra, përmbledhja me poezi “Asnjë fjalë nuk frymon” qysh nga titulli na jep retorikën e heshtur, pasivitetin që ngritët në nivelin e emocionit e të asociacionit të metaforës klinike. Shenjëzon metaforën e vdekur por të ringjallur brenda diskursivitetit tekstor. Asnjë fjalë nuk frymon jashtë fjalës e fjalisë, jashtë mendimit e ndjenjës, përfundimisht jashtë poezisë. Gjithçka çka është poezi, çka është figurë ka trajtimin e lirshëm të frymës e të frymëzimit. Poezitë e autorit kthehen gati përherë në retrospektivë duke dashur të prekin në të shkuarën e të gjitha kohërave, duke gjetur kujtimet, jetën dhembjen dhe dashurinë. Figurat e kujtimit, stacionet, mjegullat përherë nostalgjizojnë;

***Këto valë të kripura herë hynë***

***E herë dalin si lugetër***

***Nga përgjumja e fanarit të një nostalgjie***

***Zgjoheh përmbytjet e peshkatarëve***

Poezia e dashurisë është ekspresive duke dashur të sjellë origjinalitetin krijues të autorit. Atdheu shprehet si etje, e etja si epistem dhe si gnosis të hedh detyrimisht në krajetat e dhembshme, të durimit të njeriut tonë dhe mbi të gjitha të dhembjes nëpër kohë e histori. Poezia okazionale është poezi e meditimit ekstrapersonal. Autori dyndet në botën e tij personale duke dhënë edhe super fuqinë e tij krijuese, na hedh në retrospektivë dhe në nostalgji me kujtimet të cilat janë aq të freskëta dhe i japin simbolikë tekstit poetik. Qyteti i Lidhjes nuk determinon veç historinë dhe të kaluarën por ngjeshët edhe me autorin, jetën e tij dhe në veçanti me dashurinë dhe bukurinë dualiste të qytetit dhe të vajzës shqiptare;

***Lozte edhe era***

***Me fustanin e gocës***

***Kurse Lumëbardhi***

***Si çdo herë krenar***

***Depërtonte nëpër damarët***

***E lashtësisë së qytetit të Lidhjes***

Gjatë tërë kohën, si në këtë vepër, ashtu edhe në gjithë krijimtarinë e poetit e bukura është kudo prezentë, por ajo nuk ka të bëjë kryekëput me te



mirën dhe as decidivisht me moralin, por konceptohet si një absolute ne vetvete. Nga vargu në varg , lexuesi i joshur, gradualisht vëren se ajo e ndryshon trajtën, është e papërcaktueshme, e lëvizshme, të duket se nuk i nënshtrohet rregullave e doktrinave... Është e tillë, sepse ajo gjithmonë shpik vetveten. Po ashtu, duhet të thuhet gjithsesi këtu se e bukura, sikur në këtë përmbledhje, përgjithësisht sikur në gjitha poezia e Adem Zaplluzhës, është tërësisht subjektive sepse gjithkush e përjeton atë nga këndvështrimi i vetë! Kjo pra është universaliteti i kumtesë specifike në poezitë e Adem Zaplluzhës

Meqë nga natyra nuk jam ithtar i fjalamanisë dhe fjalë gjatësisë së tepruar për të shprehur dhe përshkuar diçka që gjithsesi duhet edhe drejtpërdrejtë të përjetohej, këtë parathënie modeste bërë kësaj vepre, do ta përfundoja me një urtësi të shkruar nga një autor gjenial emri i të cilit, në këto momente , nuk po më kujtohet:

***“Në detin e pakufishëm të poezisë vetëm poeti është krijues absolut; bota zhvillohet sipas dëshirës së tij. Në qoftë se është i ndjeshëm, bota në poezinë e tij do të jetë i ngjyruar me emocione; në qoftë se nuk është i ndjeshëm, bota në poezinë e tij do të jetë shterpe. Poeti i mirë, për nga vullneti i vet absolutisht lirisht mund t’i ngjall sendet pa shpirt si dhe t’ua marr shpirtin atyre që kanë.”***

Të gjitha këto karakteristika të mirëfillta, janë prezentë në poezitë Adem Zaplluzhës, duke dëshmuar kështu se poezia është vërtet fryt i prekjes së shpirtit me realitetin.

*Adnan Abrashi*  
*Prizren, 30 shtator 2013*

*Në çdo kafshim molle*  
*Cikli i parë*



## **TË KUJT JANË KËTO LOT**

Sonte dua të pi edhe pak  
Më kuptoni  
Kam shumë nevojë të dehem  
Me këtë nostalgji të trishtuar

Shikoni sytë e mi  
Se si shndërrohen  
Në qirinj pa dritë  
Të kujt janë këto lot  
Që shndërrohen në rreke  
Akujsh të kristalta

Sonte vetëm ti më mungon  
Dhe gota e verës  
Dua të pi edhe pak  
Këtë gllënjë të fundit të trishtimit

Një hënë e plagosur  
Noton në dhembjen e qiellit  
Edhe pak  
Edhe pak shpresë  
Për gotën e dehur  
Në fundin e këtij tregimi

## KU ISHIN DUART E TUA

Një fjalë e lënduar  
Ëndërron diku udhën e një balade  
Që asnjëherë nuk përfundoi  
Te buzët e pritjeve

Sonte dua të eci  
Nëpër shtigjet  
E kujtesës së Lumëbardhit  
Nëse zgjohen nga trishtimi  
Zambakët e bardhë  
Do i kërkoj në mesin e kashelashave

Mbase shumë pak kohë kemi  
Për të arritur të pamundurën  
Ku ishin duart e tua  
Kur në mua përfundimisht  
Mbytej varka e shpresave

Erdhe ashtu siç u largove  
Në gjëmën e Jonit  
Përmallshëm vajtuan hënëzat  
Diku në frymën e kristaltë  
Të dallgëve të tërbuara  
Zgjohej një baladë  
Në shpirtin e plagosur të kohës

## ISHTË NJË KOHË E EGËR

Me gjasa vrapove edhe ti  
Prej një ane të rrugës  
Në anën tjetër të kujtesës  
Atë ditë binte shi i tejdukshëm  
Në përparësen e mjegullave

Kur u pamë  
Kishte ndryshuar çdo gjë  
Në morfologjinë e nofullave  
Vetëm disa fjalë  
Të pakuptueshme  
Pikonin si akuj prej kristaleve

Ishte një kohë e egër  
Asnjë lule nëpër vazot e qytetit  
Nuk ëndërronte shiun  
Vetëm dyshimi  
Në sinqeritetin e kukullave  
Rritej si gjelbërimi i barit të njomë

Erdhi edhe mbrëmja e pritur  
Asgjë nga itineraret e trenave  
Akrepat e orës së vjetër  
Qanin te murishtat  
Derisa era e shfrenuar  
Diku te shëlgjishtet e pikëlluara  
Qante si nusja për dhëndrin  
Që asnjëherë  
Nuk u kthye nga lufta

*Prishtinë, 22 maj 2013*



## MELODINË E NJË KËNGE

Në trajtën e një cope argjile  
Ishin duart e tua  
Sytë dhe vetullat e thinjura  
I përngjanin shtrezeve

Nuk më kujtohet  
Por ti si përherë  
Më duket se i shtrije duart  
Në atë anë të rrugës  
Kah vinin mjegullat

Një kalorës i vetmuar  
Krahasohej me trokun e lodhur të gjokut  
Dhe herë pas here  
Shikonte pas shpine  
Mos vallë po e ndjek  
Ajo hije e shëmtuar

Ikte tej udhëve të gjata sterra  
Tretej diku edhe vrapi i egër  
Mes dizgjinëve  
Një pëlarin fërshëllente si e trishtuar  
Melodinë e një kënge  
Që përsëritej në çdo kohë

## **NGA PARZMA E TOKËS MËMË**

Kjo vjeshtë sivjet më herët  
Trokiti në portat e rrudhave  
Nuk dëgjohej asnjë zë  
Përpos ngërdheshjes së erës

Njëmijë vjet udhëtova  
Deri te ëndrra e kukullës së drunjtë  
Hijet binin si kokrrizat e breshrit  
Mbi qerpikët e këputura të dritës

Nga parzma e tokës mëmë  
Pritnim një dritë pak më ndryshe se kjo  
Hingëllimat e mjegullave u dëgjuan  
Përtej shtatë kodrave të shenjta

## NJË KALORËS I ZI

Ishte trishtim të shikosh  
Zbrazjen e dyqaneve  
Dhe portat e hapura  
Qepenat si të dehur nga tmerri  
I kishin lëshuar vetullat  
Si flamujt në gjysmë shtize

Një kalorës i zi  
Hingëllonte më shumë  
Se kuajt e egër të erës  
Asfaltit të plasaritur  
Dukshëm dalloheshin  
Zgërdheshjet e ingranazheve

E keqja trokiste pandërprerë  
Në pikëllimin e ullukëve  
Që dënesnin nëpër çati  
Frynte një kob i trishtueshëm  
Nëpër shpirtrat  
E lagjeve të zbrazura

Një kalorës i zi  
Më e zezë se kjo sterrë nate  
Hungëronte në gjuhën e bishave  
Te një kafkë  
Që kundërmonte në rrugë

## TE NJË MOL I VETMUAR

Nuk di më  
Athua po zgjohem  
Ose jam duke hyrë  
Nëpër labirintet e një ëndrre

Diçka e paqartë  
Paraqitet në horizontin e largët  
Tundje varkash të thyera  
Në dallgët e Jonit idhnak

Deti i trazuar shikon diku larg  
Përtej horizonti  
Dëgjohen zërat e pulëbardhave  
Përzier me krakëllima korbash

Te një mol i vetmuar  
Ku lindin shpresat  
Dhe vdesin peshkatarët  
Një qiri asnjëherë nuk gjunjëzohet

Këto valë të kripura herë hynë  
E herë dalin si lugetër  
Nga përgjumja e fanarit të një nostalgjie  
Zgjohen përmbytjet e peshkatarëve

## SI GJETHET E FISHKURA

Secili prej nesh  
Kemi nga një kukull  
Ose shkarazi identifikohemi  
Me shpirtrat e drunjtë  
Të rrënjëve

Një ditë zgjohemi  
Para këndesit  
Kurse ditën tjetër  
S'mund të na zgjoj askush  
Përpos urisë

Ngjan që u përngjajmë pemëve  
Sa herë që ecim horizontalisht  
Tërmal kujtesës  
Si gjethet e fërkura  
Na lëvizin duart e dehura

Gati në çdo përshëndetje  
Ndjejmë se si kristalet e akullit  
Depërtojnë thellë  
Shumë thellë  
Në shpirtin e ngrirë të dimrit

## **DERISA TI**

Unë i kapërthej komçat  
E këmishës së arnuar  
Kurse ti  
E zhvesh lëkurën tënde  
Prej bronzi

Kur më zë gjumi  
Gërhas si treni i vjetër  
Derisa ti  
Me sytë e tu të gështenjta  
Ngjyros jelekun e mëngjesit

Kur unë zgjohem  
Ti ke ikur diku në harresë  
Komçat dhe jeleku i ngjyrosur  
Mbesin peng në kujtesën e ylberit

## I SHKUND TRISHTIMET E BEHARIT

Përherë kam menduar  
Se kukullat qeshin dhe si nuset  
I lyejnë buzët  
Kur vjen vjeshta gjethet dalin nga lëvozhga  
Ecin drejtë bigëzimeve të lumenjve

Tërfili si çdoherë ëndërron  
Të ketë më shumë gjethe  
Se sa që ka luleshqerra  
Mbase pranvera vetëm njëherë në vjet  
I shkund trishtimet e beharit

Kur kthehen mërgimtarët  
Rrugët kanë një buzëqeshje pak më ndryshe  
Se sa kur ikin zogjtë nga vendlindje  
Era ka një mall që i përngjan  
Vetëm duarve të nostalgjisë

Ky penel fjalësh  
Asnjëherë nuk i përngjan ylberit  
Sepse në buzët e thara të erës  
Vetëm zogjtë e egër  
Kanë mundësi ta shuajnë etjen

## NËSE NGJAN E KUNDËRTA

Ky njeri që çdo ditë kalon këndej  
Sa shumë po i përngjan erës  
Në secilin hap  
Gozhdon nga një tregim  
Dhe ecën drejtë një vegimi të përsosur

Nëse ngjan e kundërta  
Me të dyja duart e mbanë kokën  
Që të mos ikën nga trasta  
Dhe sa herë që është i vetmuar  
Për një bisedë banale  
Ua prish gjumin  
E të gjitha kukullave të qytetit

Ky njeri që sot ecën fillikat vetëm  
Ecën pa e përfillur askënd  
Ndoshta as që ka  
Se kujt mund të ja prishi gjumin  
Shkon drejtë një qëllimi  
E nëse mbërrin  
S'do të gjej asnjë derë  
Ku mund të trokas në mendjen e dikujt



## KJO COPË PREJ MJEGULLE

Sa shumë po i përngjajnë  
Këto zarfe  
Qiellit të kaltër të vendlindjes  
Orë e çast  
Fluturojnë pëllumbat prej argjile

Kjo copë prej mjegulle  
Mbase qenka furka e stërgjyshes  
Sa mirë e tirrte kohën  
Të cilës i përziheshin këmbët  
Mes dy kohërave  
Dhe gatuante bukë misërnike  
Për disa ushtri

Ajo si djallin i përbuzte gjeneralët  
Por e donte pushkën e gjyshit  
Më shumë se djemtë e saj  
Me duar të një gruaje të moshuar  
Nga disa herë në ditë  
Ledhatonte kondakun

Thonë se kishte marrë pjesë  
Në disa luftëra  
Nga syri i saj shqiponjë  
Askurrë nuk i shkoj për dore armikut  
Të ikte nga plumbat

## **DEGËT E MANËS SË ZEZË**

U ktheva përsëri në shtëpi  
Por ky kthim  
Nuk po i përngjan ecjes sime  
Degët e manës së zezë  
Sot po dënesin si krimbat e mëndafshit

Këto trungje të rrapeve  
Paskan një tjetër shije  
Kur shtrihen për toke  
Pemët nisën të ecin në disa drejtime  
Sa shumë etje paska ky lis i prerë

Nuk desha të krahasohem me asnjë flutur  
Në shpatullat e mia të vrara  
Po mbinë flatra engjëjsh  
Një diell  
Pak më ndryshe se ai ekzistues  
Nuk është në gjendje më  
T'i ngrohi  
Këto eshtra të ngrira

Pak  
shumë pak më duhet sonte  
Që të krahasohem  
Me vetmin time  
Kjo natë e gjatë  
Nuk i përngjan askujt  
Përpos duarve të mia të gjata  
Dhe plagëve të erës

## ZOGJTË E FUNDIT TË SHPRESËS

Nëpër ajrin e lagshtë  
Depërtojnë fshehurazi  
Hapat e një qivuri të harruar

Nata frymon si një lis i gjallë  
Gjethet i kanë lëshuar qepenat  
Në gjysmë shtize  
Errësira merr frymë me mushkрит e barit

Kthehem deri te burimi i etjes  
Pikë uji nuk paska mbetur  
Në kujtesë  
Një zog nate  
Cijat mbi një degë të thyer

Mëngjesi nga një largësi e padukshme  
Troket pandërprerë  
Nëpër dyert e gjelbërimit  
Hapen disa lloje portash të frymëmarrjes

Askund  
Asnjë derë e mbyllur në kujtesë  
Me disa dërrasa të grisura  
Dikush i mbylli të gjitha dritaret

2.

Vetëm ullukët prej llamarine  
Recitojnë  
Një poemë të harruar nga shirat  
Ky tren që fle mbi këto binarë  
Paska ikur nga fëmijëria

Sterrë në zbrazëtirën e qiellit  
Asnjë yll në horizont nuk shihet  
Në gjumin e megjullave  
Po bije një shi i zi

Papandehur zgjohej një këngë e vjetër  
Prej baladave  
Filluan të dalin një nga një  
Zogjtë e fundit të shpresës

## **KAM ETJE**

Kam etje  
Kush mund të ma shuaj mallin  
Për plagët e atdheut

Diku një zog vajton në vetmi  
Diku një tokë e gërryer  
Dënes si çilimi

Kam etje moj nënë  
Kam frikë  
Të mos më drobiten dhëmballët

Kush po dënes  
Atje në kujtesë  
Kam etje moj nënë

Shih si paskam mbetur  
Në këtë kthesë  
Moj nënë kështu pa shpresë

## NË MENDJEN E NDRYSHKUR

Ishe njeriu më i uritur  
Në botë  
As Kadareja nuk pati forcë  
Me t'i marrë  
Dizgjinët e turpit nga dora

Nëpër xhadenë Egnatia  
I tërë pluhuri i botës  
T'i verboi sytë

Ti mbete me ndërgjegjen e erës  
Dhe ende sot kuvendon  
Në heshtje  
Me diçka  
Që nuk i përngjan asgjëje

Një grusht verdhushkash  
Prej pluhuri  
U fundosën përgjithmonë  
Në mendjen e ndryshkur  
Të xhadesë së turpit

## ME T'I NUMËRUA MËKATET

Në ekstazë  
Ti e kafshoje drurin  
Njëqind kukulla i puthe  
Me ndryshkun e buzëve të tua

Nëpër shtëpitë me drita të kuqe  
Sipas qejfit tënd  
I ndërroje këmishët dhe ngjyrat  
E noneve

Nuk kalonte asnjë natë  
Pa i marrë erë asaj djerse të rënd  
Që i përngjante temjanit të ndezur

Dikur kur ike prej vetvetes  
Askush më nuk ishte në gjendje  
Me t'i numërua mëkatet



## TE KEPI I TRISHTIMIT

Këto korale  
Po i përngjajnë sonte  
Letrave të adoleshencës  
Sa herë që i ngacmon dikush  
Dëgjohen vajet e peshkatarëve

Diku në ëndrrën e një dallge  
Hënëzat përjetojnë  
Ekzaltimin e përmbytjes

Një fanar i vetmuar  
Te kepi i trishtimit  
Herë i kyç  
E herë i shkyç dritat

Anija e fundosur  
Si asnjëherë më parë  
Dremit  
Në gjumin e meduzës së kaltër

Kur tërbohen dallgët  
Një titanik i ri lëshon rrënjë  
Në kërthizën e palidhur  
Të detit të tërbuar

## **SE SI T'I PËRNGJAJ PENELIT**

Të lutem  
Gjeje një copë hapësire  
Në shpirtin tënd  
Dhe pikturoje vrapin e kalit të egër

Pikturoje erën  
Kah frynë nëpër kafkën e këtij të vdekuri  
Dhe diellin kur fshihet  
Pas kaçubave te kodra e vogël

Më duhet të fundosem si ti  
Në botën e ngjyrave  
Dhe nëse nuk di asgjë  
Do mësoj  
Se si t'i përngjaj penelit

Kjo fushë e gjelbër si peizazhi  
E një ëndrre të kaltër  
Sa mirë po m'i përkujton zarfet  
Kur të shkruaja letër

## NË ÇDO KAFSHIM MOLLE

Po që se më premtton koha  
Sonte do të bisedoj  
Me fotografitë e moçme  
Dhe me duart e fëmijërisë sime

Ishte dikur një kohë e egër  
Në çdo kafshim molle  
Na hanin krimbat

Nuk flinim si duhet  
Nëpër portat e ëndrrave tona  
Natë e ditë trokitnin makthet

Askush nuk mund të kuptoj si unë  
Për fëmijërinë time  
Ishte një mollë e ndaluar  
Sa herë që e kafshoja  
Më mpiheshin dhëmbët

## FOTOGRAFIA

Në këtë fotografi  
Nuk qenka regjistruar qeshja e jote  
Buzët e tua po i përngjajnë erës  
Dhe pemëve vjeshtore

Të kam thënë  
Se qeshja jote i përngjan fluturës  
Kurse ti këtu mërrolesh si lisi i sëmurë

Të kujtohet stoli nën blirin e lagjes  
Aty ku ja vumë dizgjinët hënës  
Ishte një natë pa yje  
Vetëm sytë e tua bënin dritë

Të kam thënë se qeshja e jote  
I përngjan fluturës  
Kurse ti sonte sërish mërrolesh  
Si lisi i harruar i lagjes

*Prishtinë, 23 maj 2013*

*Asnjë fjalë nuk frymon*

*Cikli i dytë*



## **KUSH I KYÇI DRITAT**

Në shurdhësinë e kësaj dhome  
Nuk paska mbetur asnjë mizë  
Kah ikën fluturat  
Cila dorë i shkundi mbrëmë  
Degët e pikturave surrealiste

Kjo tablo në murin afër pasqyrës  
Dhe ikona e harruar  
Paskan mbetur në mëshirën e pluhurit  
Kush i kyçi dritat  
Kur ikën njerëzit nga kjo heshtje

Ndoshta shpirtit i hijes së zhdukur  
Sillet si një lloj trishtimi  
Nëpër dhomën e gjumit të kësaj shurdhësie  
fluturojnë mizat e verbëta

Netët vijnë dhe ikin nga kjo heshtje  
Sa keq kur edhe dritaret  
Kalojnë kokulur  
Nëpër rrugët e harresës

## ASKUSH NUK MË NJEH

Bredhi rrugëve të heshtura  
Herë preki një rrëzë dorë  
E herë tjetrën  
Më duket se nuk ekzistoj  
Qenkam njeri i huaj  
Për këto çati

Gjymtyrët disi më duken të ftohta  
Kjo kapelë në kokën time  
Me gjasë ishte e zbrazët  
Ose asnjëherë  
Nuk përjetoi ngrohtësinë e njeriut

Nuk di por eci si somnambul  
Nëpër rrugët e fëmijërisë  
S' shoh njeri  
As të tjerët nuk më vërejnë

Si një merimangë e moshuar  
Kaloj nën urat e qytetit  
Asnjë përshëndetje nga algat  
Askush nuk më njeh

Diku nga horizonti  
Me thërret një pulëbardhë e murrme



## **ECIN EDHE KËMISHËT**

Ecine nuk ndalen  
Këpucët e mia të vetmuara  
Një bastun i vjetër  
Mbase i stërgjyshërve të komshiut tim  
I përcjellin arkivolet nga ky qytet

Ecine edhe këmishët  
S'ndalen as pantallonat e arnuara  
Çdo gjë këtu lëviz me shpirtin e erës  
Zogjtë kërcejnë prej një çatie  
Mbi ullukët e çatisë tjetër

As lagjja s'paska gjumë  
Një fëmijë qan te një kallamishte  
Pemët në lëvizje e sipër  
I shkundin degët  
Kur kalon pinokio  
Për ta ngacmuar  
gjumin e drunjtë të bubuzhelëve

## QYTETI I LIDHJES

Nëpër gjurmët e barit  
Derdhej loti i vesës  
Era qante si një kalama  
Në prehrin e mëngjesit

Nën urën e gurit  
Kalonte një femër ngarkuar  
Me dashuri  
Kalonte  
Edhe një copë dallge  
Nëpër buzëqeshjen e urës së drunjtë

Kalaja sodiste peizazhin e pafund  
Te brigjet e Drinit të Bardhë  
Loznin shtojzovallet  
Me medaljonin  
E një valleje të lashtë pagane

Lozte edhe era  
Me fustanin e gocës  
Kurse Lumëbardhi  
Si çdo herë krenar  
Depërtonte nëpër damarët  
E lashtësisë së qytetit të Lidhjes

## **NJË NJERI**

Një njeri  
Sa endacak po aq edhe poet  
Për çdo ditë  
Bisedon me kukullat e drunjta

Ecën nëpër rrugicat e qytetit të lindjes  
Një kërrabë pagane  
Me mallëngjim shikon kambanën  
Dhe merimangën në minaren e vjetër

Një njeri me një palë dizgjinë  
Prej fjalëve  
Ecën dhe i shënon kronikat  
E të gjitha llojeve  
Ato të zeza  
Dhe ato pak më ndryshe

Vetëm një bastun i vjetër  
Përmallshëm bisedon me rrugët  
Dhe vrapin  
E ditëve që pambarimisht  
Largohen nga përgjumja e kalldrëmeve

## **KJO KOKË**

Sot nuk kam fare uri  
Dje u ngopa së kafshuari  
Pjesët e jetës sime

Kjo kokë e krisur  
Nuk paska të ndalur  
As uria s'i doli përpara

Kjo kokë  
Mbase nuk di asgjë tjetër  
Përpos kafshimit

Sa shumë më mundon uria  
Sa që një ditë  
Do e ha edhe kokën time

## **LAKMIA**

Mbase këto cifla dëshirash  
Nesër do i përngjajnë gjeneve  
Kush e di se sa mbretëri  
I kafshoi mizorisht  
Lakmia e njeriut

## TATUAZHIN E NJË KRYQI

Kur nuk patën  
Se çfarë të më bëjnë tjetër  
Në trupin tim vizatuan  
Tatuazhin e një kryqi  
Dhe një kokë derri të egër

Qesha kurse nga qeshja ime  
U befasuan gardianët  
Nga dritarja e qelisë  
Pikonte në zemrën time  
Një kokërr drite inkandeshente

Një zog shprese mi solli disa letra  
Dhe gazetën ditore  
Ku lexova  
Se në ndërgjegjen e Evropës  
Ishte zgjuar vetëdija e fjetur

Atëherë i dëgjova kambanat  
Në mendjen e burgosur  
Nga kambanorja dolën disa zëra  
Që ende sot në veshët e mia tingëllojnë  
Po ato psalme  
Të kënduara nga engjëjt

## **KURSE KËTU BRENDË**

Sonte mund t'i preki  
Të gjitha këto mure të lagështa  
Askund vetvetja ime  
Disa kujtime të gozhduara  
S'mund t'i përshtaten kësaj pamjeje

Vazhdoj ecjen nëpër sterrë  
Vetëm sytë e një maceje të zezë  
Mund të dallohen  
Në pasqyrën e turbullt të dritës  
Kanë filluar të përsëriten të reshurat

Jashtë nuk bie asnjë pikë shiu  
Kurse këtu brenda meje  
Dhe këtyre mureve të larta  
Kohë shumë e përshtatshme  
Për kultivimin e kërpudhave

Dikush troket  
Pandërprerë dëgjohen trokitjet  
Dhe krakëllimat e korbave  
Çatia si asnjëherë më parë  
Gjëmon si Drinin i Zi

## **MBI QIVURIN E NJË STINE**

“Një varr si një shelg i braktisur  
Qanë me lot drerësh”

Arkivoli i vetmuar te dunat  
Përjeton ringjalljen e erës

Sonte asnjë zog shtegtarë  
Nuk ndalet te plepat  
Kundërmimi i rënd prej lagështie  
Si kolla e keqe po përhapet fushave

Bilbili i fundit në ograjë  
I harroi të gjitha këngët  
Një nënë ende po qan me lot zogjsh  
Mbi qivurin e një stine



## ASNJË FJALË NUK FRYMON

Kalonin të moshuarit  
Nëpër vetminë e rrugëve  
Një kërrabë çapitej mbi stërkala shirash  
Mbase pranvera paska ardhur  
Më herët sivjet

Ky arkivoli i kaltër si syri i një njeriu  
Më duket se po i përngjan  
Letrave të adoleshencës  
Më kujtohet ishin të kaltra  
Dhe të pashpirt  
Si ëndrrat e mjegullave të zbrazëta

Shumë letra të shkruara  
Pa asnjë fjalë të gjallë  
Me gjasa paskan ikur diku  
Pëllumbat prej argjile  
Ose poçari  
Është zgjuar sontë tepër vonë

Këto letra të bardha dhe të kaltra  
Prej fjalëve të lënduara  
Qenkan të ngarkuara  
Me dhembje elektronike  
Asnjë fjalë nuk frymon  
Në tastierat e shpresës së përmbytur

## NA DEGDISI SI ZOGJTË E VERBËR

Do vij nënë  
Do kthehem nëpër stinët e zogjve  
E kur të mbërri në atdhe  
Do takohem  
Ndoshta me fëmijërinë time të leckosur

E di atje më presin qepenat  
Dhe zëri i trishtuar i gërnetës  
Të kujtohet kur më përcjelle  
Binte një shi i imtë atë ditë  
Mbi flokët e tua të thinjura

Binin edhe mallkimet për regjimin  
Që na dëboi  
Nga ngrohtësia e sofrës  
Na degdisi si zogjtë e verbër  
Nëpër katër anët e botës

Sot unë po vij nënë  
Kam blerë për veti  
Një arkivol të mrekullueshëm  
E di të gjithë do qeshni me mua  
Por unë desha  
Që në fund të rrugës  
Të kem  
Një përcjellje si i ka hije njeriut

## **NDOSHTA PËR HERË TË PARË**

Po kthehen  
Ndoshta për të parën herë  
Po vijnë zogjtë e ikur nga mendja  
Kush do t'i ndal shirat  
Që të mos ja ngacmojnë gjumin vjeshtës

Një lis i kujtesës po qanë si pegun  
Gjarpri me zile  
Më shumë i përngjan njeriut  
Se sa llojit të zvarranikëve  
Mjegullat zbresin për herë të parë  
Mbi dizgjinët  
E kalorësve të apokalipsit

Po kthehen  
Ose po ikin dika tjetër  
Frymëmarrjet e zogjve të dehur  
Kjo natë e dehidruar  
Mbase paska filluar kësaj here  
T'i përngjaj trishtimit  
Kur me duart e saja të zeza  
Po i vret  
Fëshfërimat e gjetheve të njoma

## KUR FLENË ZOGJTË E FJALËVE

Nëpër lagjen tonë  
Për çdo mëngjes kalon fshehurazi  
Zëri i një rapsodie të harruar  
Zambakët çelin vetëm një herë në vjet  
Në fjalët e pathëna të poetit  
Mbinë manaferrat

Kur flenë zogjtë e fjalëve  
Nëpër mallkimin e zjarrit kalojnë hijet  
Ato të dukshme  
Dhe ato të tejdukshme

Ne nga kujtesa e jonë i zbresim engjëjt  
Dhe sa herë duam të identifikohemi  
Me rrjedhën e ujëvarës  
Zgjohemi herët në mëngjes  
Bisedojmë me brigjet e përgjumura

Kur na mbesin fjalët e pathëna  
Jashtë mendimeve të mira  
Nëpër xhepat e shirave  
Ballafaqohemi me morfologjinë e heshtjes  
Dhe shndërrohemi pa dashje  
Në statuja të mermerta  
Deri sa era e përpinë gjuhën e saj ujore

## VAZOT PREJ MJEGULLAVE

Kur njerëzit më shikojnë në fytyrë  
Më së miri më gënjejnë  
Nëna ime  
Më së miri i fshehin fjalët

Në çdo qeshje fle një tregim  
I pathënë  
Ku fshihet rrjeti i merimangës  
Dhe pështyma e erës  
Nëna ime  
Fshihen lakuriqësit e shpirtrave

Kur thyhen shtambat e qiellit  
Nëpër pastelet e ngjyrave  
Zbresin shirat e çmendur  
Zbresin  
Vazot prej mjegullave

Nëse kalojmë nëpër harresat  
E mendimeve  
I gjejmë të gjitha arsyet duke çapitur  
Nëpër kokat tone të lodhura  
Nga shthurjet e fjalëve të paramenduara  
Nëna ime  
Nga shthurjet e fjalëve

## NËPËR UDHËT E RAPSODIVE

I zgjas duart  
Preki pafundësinë e një shtegu  
Asnjë dallëndyshe sonte  
Nuk fluturoi  
Nëpër lotin e brishtë të shiut

Si një qilimi i llastuar  
Era qante në kambanoren e lagjes  
S'ndaleshin ulërimat  
As të lehurat e megjullave  
Me tërë peshën e saj  
Nata zbreti mbi çarçafin e pritjes

Ikën edhe yjet e fundit  
Nga lagja e evgjitëve  
Përtej një hapësire  
Që i përngjan  
Duarve të lëngëta të imagjinatës

Përrallat u zgjuan dikur vonë  
Kur trishtimi hyri  
Nëpër udhët e rapsodive

*Prishtinë, 24 maj 2013*

## **SI FËMIJËT ME KUAJ PREJ BASTUNI**

Nga harlisjet e megjullave  
Në brendinë e pasqyrës  
Po zgjohen zogjtë

Një ushtar i vetmuar  
Ende në trastën e fëmijërisë  
I ruan ëndrrat dhe letrat e dashurisë

Era nëpër gjethet e mushmollës  
Del nga një shishe  
Mbyllur me tapë para qindra vjetëve

Shirat si kuajt galopojnë nëpër qytet  
Kukullat e drunjta  
Nuk i ndalin të qeshurat

Ushtari era dhe kukullat  
Lozin një vals të vjetër  
Si fëmijët me kuaj prej bastuni

## **MBYLLEN QEPENAT E DYQANEVE**

Sa herë që malli troket  
Në portat e shpirtit endacak  
Zgjohemi para këndesit  
I kërkojmë ëndrrat e fshehura  
Te një lis që bleron vetëm dhembje

Rrënjët kanë më shumë qeshje  
Se çdo njeri  
Si stërkalat e shiut rrebesh  
Prej gjetheve pikon e kaluara

Duam ta zëmë fluturën e fëmijërisë  
Luadhet ikin përtej shtatë bjeshkëve  
Vetëm një bletë e moshuar  
Në petalet e lules së venitur  
I lexon hieroglifët e një historie të dhunuar

Kur nata vjen te ne  
Mbyllen qepenat e dyqaneve  
Lagjja fundoset në gjumin e zakonshëm  
Mbase njerëzit edhe në këtë kohë  
Ende janë duke fjetur



## **NJË NATË SI KJO**

Në këtë boshllëk me vetmin time  
Dremis nën hijen e kujtesës  
pema e fëmijërisë  
Gjumi i përdalë  
Thërret të kaluarën e hidhur  
Dhe kohën e urisë

Thash se rri me vetminë time  
Askush nuk vjen këtu sonte  
Në sfondin e trishtuar të hapësirës  
Imazhet zhduken një nga një

Për befasi  
Edhe këto sandale të varura  
Qenkan të vetmuara te këto tela elektrike  
Një natë si kjo  
Të mos përsëritet më asnjëherë

Koj vetmi si një gozhdë e ndryshkur  
Qenka ngulur në trurin tim  
Poeti  
Zogu dhe sandalet  
Varrosin një sekret të trishtë  
Në gjumin e kësaj nate

## UNË DI FARE MIRË

Brenda meje thyhen gurtë  
Athua zemra mund të dënesi  
Kur bie ky shi i zhveshur  
Nga trungu i gjetheve

Lartë te perdet e imazheve  
Të ndryshkura  
Pikon e nuk ndalet  
Shpirti i ndrydhur i ditës

Një kalë i egër i kujtesës  
Nuk e ndal galopin asnjëherë  
Ka më shumë se njëmijë vjet  
Që fëmijët e lagjes sime  
Po i përngjajnë urisë

Mos të lutem  
Mos i thuaj askujt  
Se vjen nga një galaktikë e errët  
Unë di fare mirë  
Se atje kurrë nuk mungon drita

## NATËN VIJNË LEJLEKËT

Natën vijnë lejlekët  
Dhe e mbulojnë qiellin e vjeshtës  
Nga sytë e ikonave  
Si rrëke shirash  
Derdhen lotët e trishtimit

Dimrat nuk janë si në vendet e tjera  
Çatitë mëkatore rëndohen  
Si shpirtrat e njerëzve  
Rrugët janë të boshatisura  
Dhe u përngjajnë zemrave të vetmuara

Edhe pranverat ndryshojnë  
Gjelbërimi duket  
Si një tablo e zbrazët vizatimi  
Ku piktorët fillestar  
I huazojnë ngjyrat prej ylberëve

Asnjë lule nuk çel këtu  
Si në atdheun tim  
As zogjtë nuk din të cicërojnë  
Nëpër degët e gështenjave  
Natën vijnë lejlekët  
Dhe e mbulojnë qiellin e vjeshtës

## NËPËR XHAMAT E GJUMIT

Mbi varfërinë e kësaj tryeze  
Një mushkonjë  
Sa e zhurmshme  
Po aq edhe e bezdisshme  
Mbi pjatat e palara të ditës  
I lëshon vezët

Qiriu i ndezur  
Tani më  
Nuk duket askund  
Një erë e rënd temjani  
Shpërndalet  
Nëpër lagështit e mureve

Disa lloje bubuzhelësh  
Në pasqyrën e plasaritur  
I krehin flokët e verdha  
Mes disa pikturave surrealistike  
Një kohë të gjatë  
Po kalbet një mollë e kafshuar

Shiu si i ikur nga çmendina  
Mërzitshëm troket  
Nëpër xhamat e gjumit  
Diku në horizontin e përvëluar  
Në zog nate  
I kyçi kandilat e yjeve

## NGA DURIMI I LISAVE

Nuk di  
Se si ndodhem këtu  
Por më pëlqejnë shtegtimet e yjeve  
Tani jam me vetminë time  
Kurse nesër do jem  
Në anën tjetër të kujtesës

Këto bredhje meteorësh  
Nuk i njohin kufijtë  
I përngjajnë zogjve të egër  
Ku nëpër çdo degë të kajsive  
Mbjellin nga një puthje

Herë fluturoj mbi dete  
E herë ngjizëm me aromën e fushave  
Kur më sëmbojnë trishtimet  
Nga durimi i lisave  
Kërkoj një grusht nostalgji

## **DROMCAT E SË KALUARËS**

Më beso

Më së shumti i dua gabimet e tua

Kur gënjen të bëhet fytyra all

Prej mollëzave pikojnë

Pastelet prej luleshqerrave

Pastaj harron se gënjeve

Dhe sërish

Ia fillon një gënjeshtre të re

E cila i përngjan fjalëve të kota

Por ka një trajtë të njeriut

I cili singërisht dashuron

Kur ke kohë rrëfesh për adoleshencën

Fare mirë kuptoj

Se nuk ke se çfarë të thuash

Çdo fjalë e jote

Disi të mbetet në gurmaz

Edhe ato të përngjajnë ty

Të kam thënë se ti përbëhesh

Prej një përzierje

E cila në shpirtin e saj

Me xhelozë i ruan

Dromcat e së kaluarës

Dhe instinktin e pafajësisë së erës

## **GËRHITJA E NJË ORE MURI**

Në dhomën e fjetjes  
Nata ishte njëra ndër netët më të gjata  
Asgjë nuk dëgjohej përpos  
Gërhitjes së orës së murit  
Dhe cijatjes së një miu të bardhë

Kur i shikoja akrepat e ndryshkura  
Koha ndalej dhe vendnumëronte  
Me një rrapëllimë të trishtueshme  
Kurse boçat lëshoheshin mbi tavolinë  
Si gijotina e shekullit pesëmbëdhjetë

Mëngjesi më dukej se kurrë nuk do të vij  
Ullukët e çative pikonin sterrë  
Kurse forma e oxhakut të shtëpisë  
Askurrë nuk e humbi vertikalen  
Edhe pas bombardimeve  
Mbase ishte edhe më kryelartë

Në dhomën e fjetjes  
Nata ime nuk kishte të bitisur  
S'kishin të sosur as cijatjet e minjve  
Gërhitja e një ore muri  
Befasisht iku me ardhjen e agsholit



## **KUR TË MBËRRIMË TE NJË PEMË**

Nëse bisedojmë për kohën  
Nuk duhet ta harrojmë  
Orën e madhe  
Në murin e kishës  
As treguesit e kohës së orës diellore

Sa herë që zbritëm shkallëve  
Në fund na prite një tjetër itinerar  
Ose dilnim nga lëkura e jonë  
Dhe e ndërronim  
Këmishën e djersitur

Kur të mbërrimë te një pemë  
Që nuk i shkunden frytet  
Do kuptojmë  
Se nën hijen e saj  
Mrizojnë vetëm zvarranikët

Më pastaj  
Do ecim deri në pambarim  
Udha është e gjatë  
Ku nuk mund ta gjejmë fundin  
As trokun e kalit të zbutur  
Prej dizgjinëve të kujtesës

## MES HAPAVE TË ERËS

Shpeshherë mëngjeset përzihen  
Me rregullat e ekzistencës  
Kur zgjohen mushkonjat  
Njerëzit kuptojnë  
Se vendnumërojnë në gjumë

Vjenë një njeri me kukëza  
Dhe mendon  
Se ka arritur fundin e botës  
I cili akoma nuk e ka përjetuar  
Ecjen e tij të sinqertë  
Mes hapave të fërfërimës së gjetheve

Kur mbërrimë deri te plepat  
Pandërprerë trokasim  
Në portat e rrënjëve  
Kurse trokitjet e shurdhëta  
S'dëgjohen nga gjëma e dallgëve

Sipas një rregulli të pashkruar  
Ne përherë  
E arsyetojmë mungesën tonë  
U përngjajmë të burgosurve  
Kur është në pyetje pafajësia

## **MBASE TE VARRET E FSHATIT**

Sërish jam fundosur  
Në boshllëkun e mendjes  
Lexoj një libër të vjetër  
Ose libri po i lexon  
Mendimet e mia të shthurura

Një harabel kërcen  
Prej një dege të shëndosh  
Në degën tjetër të sëmurë  
Kjo vjeshtë  
Herët paska mbetur pa gjethe

Te komshinjtë e mi muhaxhir  
Mbrëmë qante qeni i moshuar  
Në stelën e re  
Mos vallë  
Ëndërron arkivolin e shpërnguljes

Në kafenen e lagjes sot mungonte  
Shitësi i gazetave  
Mungonin edhe varrmihësit  
Mbase te varret e fshatit  
Sot do ta pinë kafënë e mëngjesit

*Prishtinë, 25 maj 2013*



*Makthi im i mirë*

*Cikli i tretë*



## **AS PREJ LEJLEKËVE SHTEGTARË**

Më gjasa këtu qenka pikënisja  
Nëse mbërri hapin tim në ikje  
Teposhtë shkallëve  
Askush më nuk mundet të më zë

Nuk janë ikjet e mia prej njerëzve  
As prej lejlekëve shtegtarë  
Unë herë largohem  
Dhe herë i afrohem vetvetes

Kur më thërret një zë nga lashtësia  
Domosdo duhet të nisem  
Në të kundërtën  
Vendnumërimi nuk i bënë mirë natyrës sime

Kjo nisje askurrë nuk ka pas dizgjin  
Sa herë që frynte era prej majave  
Ne i përngjanim drurëve të përgjumur  
Dhe somnambulëve që bredhin nëpër çati

## SI NJË HIJE E TEJDUKSHME

Të gjithë më thonë  
Se koha po kalon  
Unë vërtetoj të kundërtën  
Ajo po vjen me vrapin e fërfëllizës

Kalojmë nëpër vërrimat e saja  
Ashtu të padukshëm  
Në një formë të lëngtë  
Nga tejdukshmëria i përngjajmë  
Zbehjes së frikës

Sa herë që deshëm ta zëmë  
Ajo veç me shekuj  
Ishte para nesh  
Ose shndërrohej në flluska pastelesh  
Dhe ec e zëre kohën  
Në brendinë e erës

Koha ah sa shumë i përngjan  
Shtegtarëve  
Herë jeton në ne  
E herë te miqtë tanë  
Andaj të gjithë njerëzit  
Njësoj mendojnë  
Se koha po kalon para nesh  
Si një hije e tejdukshme



## **AKOMA EDHE SOT SHPRESOJNË**

Kjo udhë e gjatë  
Mbase nuk paska të sosur  
Vetëm shtegtarët ia njohin huqet  
Dhe një lejlek i vetmuar

Sa herë që kthehet në atdhe  
Ndalet te krojet të pi ujë  
Në shenjë respekti  
Përherë lë nga një pendël

I njeh edhe gjoku jelegjatë  
Dizgjinët e tij  
Ende e rruajnë gjëmën e një ikjeje  
Në pluhurin e një mallkimi

Nëpër sinorët e kësaj rruge  
Me qindra duna varresh  
Të muhaxhirëve  
Akoma edhe sot shpresojnë  
Se do prehen njëherë e përgjithmonë  
Në prehrin e mëmës së sflitur

## **I SHIKONTE LISAT E GJATË**

Bariu rrinte ulur mbi një gur  
Dhe qante me fyellin prej druri  
Qante e s'i ndaleshin lotët  
Edhe fyelli i përngjante njeriut

Nëpër lagështinë e vërrimave  
I shikonte lisat e gjatë  
Dhe sërish lotët s'ndaleshin  
Kurse ky duet i trishtueshëm  
Akoma sot dëgjohet

O njeri i nderuar  
Nëse edhe njëherë kalon  
Pranë varrit të Naimit  
Po që se s'di të këndosh  
Përmendi me nostalgji  
“Lisat e gjatë të Shqipërisë”

## NËSE NUK VJEN SONTE

Nëse nuk më vjen sonte  
Ç'më duhen ëndrrat  
Miqtë e mi fare mirë e dinë  
Se asnjëherë  
Nuk më kanë pëlqyer shqetësimet  
E gjumit

Kupto e dashur  
Unë nuk jam njeriu i ëndrrave  
Po s'i preka flokët e tua të verdha  
Ç'më duhen ëndrrat e zbrazëta

Eja nata është e gjatë sonte  
Të pres kur zbresin yjet  
Në këmishën tënde të gjumit  
Nëse nuk vjen  
Mund t'i mbysësh pëllumbat  
Prej argjile  
Ti e di se unë nuk u besoj ëndrrave

Erdhe ose s'erdhe  
Mua sërish do më gjesh këtu  
Te ky fanar i vetmuar peshkatarësh  
Duke të pritur ty  
E dashura grua

Poqë se nuk më vjen sonte  
Më beso  
Edhe nëse kalojnë njëmijë net si kjo  
Unë sërish do të të pres  
Te fanari i vetmuar i peshkatarëve

## M'I MORRI TË GJITHA ËNDRAT

Unë nuk kisha ëndrra  
Ndoshta isha i zbrazët  
Por malli për ty  
Nuk më linte të fle

Erdhi si fryma e mirë  
M'i morri të gjitha ëndrrat  
Dhe më tha troç dashuro

Ofrohu preke lulen posa të çelur  
Për ty i ka hapur petalet  
Asnjë gonxhe sonte  
Nuk i pëlqen ëndrrat

Afrohu dhe përjeto  
Zbritjen e yjeve

Dëgjoje serenatën e gjetheve  
Dhe gërnetën  
Kah vajtojnë me zë  
Fatin e një valsi të harruar

Nata ishte e qet kur u pamë  
Mbi flokët e tua  
Vallëzonin zogjtë e bardhë  
Afrohu preki sonte yjet

## KËTË KURORË TRISHTIMI

Kur kaloj i vetmuar nëpër qytet  
Me duket vetja si sovran  
Unë dhe vetmia ime  
Harrojmë se jemi të barabartë  
Në ndarjen e nostalgjisë

Nganjëherë edhe bashkohemi  
Me të vetmuarit e tjerë  
Në shpirtrat e tyre  
E gjejmë një botë  
Krejtësisht tjetër  
Një botë  
Të përbotshme në ecje e sipër

Ndodh që bisedojmë me kukullat  
E vitrinave me xhama të pista  
Dhe nëpër pasqyrat e qytetit  
I krehim flokët e palara  
Ose këpucëve ua lidhim lidhëset  
Të mos na ikin nga këmbët

Poqë se na premtton koha  
Blejme nga në palë pantallona  
Të importuara nga gjermania  
Mbase me siguri  
Janë të ndonjë psikopati të vdekur

Kur lodhemi nga vetvetja  
Dhe vetmia e jonë  
Ulemi në fronin e së kaluarës  
Dhe vazhdojmë me mbretërinë tonë  
Ose abdikojmë  
Por gjithsesi fronin ua lëmë atyre  
Që denjësisht mund ta meritojnë  
Këtë kurorë trishtimi

## DRURËVE TË NGULUR

Rrugët disi  
Paskan një tjetër formë  
Këto ndryshime atmosferike  
Fshihen pas qeskave të najlonit

Një grua e moshuar ecën me vështirësi  
Nuk e mbajnë këmbët  
As mbamendja  
S'i përfillë rregullat e morfologjisë

Ajo kalon e hutuar  
Prej një poeme në tjetrën  
Pa i respektuar gabimet ortografike  
Këndon një këngë të vjetër  
Mbase shumë më e vjetër  
Se mosha e saj

Pranë vitrinave vargan kolonash  
Prej lypsarëve  
Duart e shtrira u përngjajnë  
Drurëve të ngulur  
Në shpirtin e tokës së djerrë



## **JO MIKU IM JO**

Jo miku im jo  
Ti s'mund t'i vrasësh fjalët  
Ato janë të zbrazëta  
Si premtimet e kota  
Shpirtërisht vuajnë  
Nga një anemi e pashëruar

Në fytyrat e tyre  
Nuk ka asnjë pikë gjaku  
E si mund të vritet diçka  
Që nuk ka gjak  
Jo miku im jo  
Ti s'mund t'i vrasësh fjalët

## **NËSE TË ZËNË NË BEFASI**

Kur kalon nëpër pyllin e shpirtit tënd  
Mos i prek ëndrrat  
Sepse ato vet lëvizin si lisat  
Dhe i përngjajnë deteve pa fund

Nëse të zënë në befasi  
Zgjati duart e tua të gjata  
Dhe shkundi frytet e së kaluarës  
Pa ua prish gjumin peshqve  
Kyçi dritat e fanarëve

Mos përto të lutem  
Kur çmenden dallgët në mbrëmje  
Ti sërish zgjati duart  
Shkundi degët e anijeve  
Të përmytura  
Nga lotët e trishtimeve

## T'I PËRNGJAJ FENIKSIT

Sa herë që këtu në mërgim  
I dëgjoj  
Tingujt e një muzike pagane  
Lus hyjin  
Të më shndërrojë në lejlek  
Ose pas vdekjes sime  
T'i përngjaj feniksit

S'dua të më varrosin me bandë  
Në këto lulishte  
Më pëlqejnë manaferrat e fshatit tim  
Dhe krenaria e lisave  
Që ecja e tyre  
U përngjan ecjeve të perëndive

Më kuptoni  
Nuk më pëlqen luksi  
Dhe mbishkrimet në mermer  
As epitafet te disa koka të krisura  
“këtu pushon poeti  
Dhe këtu mbreti”  
Nuk më pëlqejnë  
Këso lloj epitetesh pas vdekjes

## **MBRËMË KUPTOVA**

Në lëkurën time të kripur  
Do e vizatoj tatuazhin  
E një alge të murrme  
Ose nga sytë e meduzës të krijoj  
Pavdekshmërinë  
E varkës së përmbytur

Mbrëmë kuptova  
Se edhe peshkaqenët lehin  
Kur prishet moti  
Dhe se peshqve fluturues  
Dikush ua ka prerë krahët

Nuk mund të kuptoj  
Se pas këtyre ndryshimeve  
Çfarë do bëhet  
Me ëndrrën e detit  
Dhe rrjetin  
E merimangës së peshkatarëve

## **KU DO TË MË MBESIN ESHTRAT**

**(Meditim i një ushtari të panjohur)**

Si një detar i regjur  
I ankorove  
të gjitha mundësit njerëzore  
Dëshirat  
Guximin dhe shpresat  
Vetëm për çlirimin e atdheut tënd

E lëshove spirancën  
Thellë e lëshove  
Në rrënjët e pavdekshme të tokës  
Që mos ta shkuli  
Asnjë tufan  
Nëse ngjan e kundërta  
Ti do bëheshe sërish dallgë  
Për t'i mbrojtur lisat dhe eshtrat

Pa mëmën tokë  
Je dhe jemi si zogjtë e shenjtë pa krih  
Kurse me të  
Mund të fluturoj mbi të dy bota  
Në atë të nëndheshme  
Dhe në botën e mbidheshme

*Prishtinë, 26 maj 2013*

## JAM DISI MË ESËLL

Pranë gjerave të pavlera  
Shoh se si zvarritet emri im pa mbiemër  
Një lloj hardhuce pa gjuhë  
I korrigjon gabimet e mia ortografike

Mbi tavolinën e punës thinisht zgërdhien  
Lugët dhe pjatat e palara  
Një shishe gjysmë e zbrazur vere  
Kundërmon uthull të prishur

Në qoshe të dhomës  
E paskam lënë çorapin e këmbës së djathtë  
Të majtën e veshi vetëm një herë në vjet  
Kur vijnë festat e vezëve të kuqe

Pasi ikjes së zogjve nga mendja  
Jam disi më esëll  
Për tu larguar problemeve ditore  
Ulem te pragu i shtëpisë  
Dhe e rrufis përditshmërinë monotone

## **NUK MBETI ASNJË KOJRRILE**

I mora disa fjalë prej një përralle  
Dhe ia dhurova erës  
Era qante si një kërthi  
Kurse të trokiturat nëpër dyer  
Nuk ndalen asnjëherë

Nga trupi i ngurtë i një gjethi  
Binte një shi i bezdisshëm  
Zogjtë filluan me ikjet e tyre të para  
Te kambana  
Nuk mbeti asnjë kojrrile

Nuk ndalej as era  
Nga shpirti i saj prej njeriu  
Dolën pulëbardhat e fundit  
Dhe ikën tejpertejmes

Kur qante dreri i vjetër  
Me ngashërim qante  
Edhe dënësja e shiut  
Si një foshnje e lënë në faltore  
Qante  
Trishtueshëm qante dita

## **MBI QIELLIN E VRARË**

Fushave po ecin kallinjë  
Ato prej gjaku  
Dhe metali vezullues  
Po ecin drejtë  
Deri te një fund  
Që asnjëherë nuk mbaron

Kanë dalë edhe njerëzit  
Po i imitojnë rrënjët  
Ecin duke u kalamendur  
Përballë një qëllimi të paqëllimtë  
Si statuja bronzi qeshin  
E herë  
Mërrolen arkivolet

Mbi qiellin e vrarë  
Fluturojnë lejlekët prej argjile  
Nuk paska mbetur asnjë pëllumb  
Për letrat e shkruara  
Me lot  
Nga marinarët e gurtë



## **MALLI**

Poqë se dashuria matet me mall  
Ajo do i përngjanë atdheut  
Sytë e mi të bronzte  
Nuk qajnë më  
Por për çdo ditë nga pak kullojnë  
Një lloj gjaku prej trishtimi

## **MBRËMË ISHIM LARG**

Mbrëmë ishim larg  
Shumë larg njëri tjetrit  
Ti i përngjaje një ylli në vezullim  
Kurse unë shkundjes  
Së një meteorit të moshuar

Ishim aq shumë larg  
Sa që mundëm ta prekim  
Largësinë e pamat  
Me majat e gishtave tona

Mbrëmë ishim larg  
Aq larg  
Sa që e dëgjonim në dhomë  
Frymëmarrjen e njëri tjetrit

Mbrëmë ishim larg  
Shumë larg  
Përtej prekjeve të largësisë

## **MAKTHI IM I MIRË**

Njëmijë vjet trokita  
Në gjumin tënd  
Dhe asnjëherë nuk i hape portat  
Makthi im i mirë  
Makthi im i ëmbël

*Prishtinë, 27 maj 2013*

**Adem Zaplluzha** u lind në Prizren, më 1943. Shkollën fillore dhe të mesme i kreu në vendlindje, ndërsa Akademinë Pedagogjike në Prishtinë. Një kohë punoi si mësues nëpër fshatrat Studençan të Therandës (ish Suharekës) dhe Hoça e qytetit, afër Prizrenit. Ndërkohë punësohet si përkthyes në Korporatën Energjetike të Kosovës. Me shkrime filloi të merret kryesisht me poezi që nga mosha e fëmijërisë. Rugën letrare e nisi me vjershën e parë për fëmijë të cilën e botoi në revistën “Pionieri”, më 1957. Si i punësuar në Korporatën Energjetike të Kosovës bashkë me shokët e punës dhe pendës themeloi grupin letrar “Lulëkuqet e Kosovës”. Në Kuadër të punës së këtij grupi letrar qe botuar përmbledhja “Ngjyra e kohës”, në të cilën u përfshi një numër i konsideruar i poezive të tij. Krahas krijimeve të publikuara në revistat për fëmijë, botoi edhe një serë shkrimesh nëpër gazetatat e kohës që dilnin në Prishtinë dhe Shkup. Është anëtar i Lidhjes së shkrimtarëve të Kosovës, prezent në disa antologji dhe në librin Kosova letrare të poeteshës Monica Mureshan. Është prezantuar në *Leksikonin e Shkrimtarëve Shqiptarë 1501-1990*, nga Hasan Hasani, në *Leksikonin Shkrimtarët Shqiptarë për fëmijë 1872 - 1995* nga Odhise K. Grillo, si dhe në librin *Portrete Shkrimtarësh* nga Demir Behluli, Prishtinë, 2002. Në maj të vitit 2013 Klubi i Artistëve dhe i shkrimtarëve të Durrësit ia ndau çmimin e karrierës për kontributin e dhënë në letrat shqipe. Jeton dhe krijon në Prishtinë ndërsa aktivitetin letrar e zhvillon në kuadrin e Klubit letrar “Fahri Fazliu”, në Kastriot.

## BOTIME TË AUTORIT

1. **“Puthje”, poezi**, “Rilindja”, Prishtinë, 1974.
2. **“Ecjet e viteve të mëdha”, poezi**, “Jeta e Re”, Prishtinë 1995.
3. **“Çamarrokët e Thepores”, poezi për fëmijë**, “Shkëndija”, Prishtinë 1996.
4. **“Muret”, poezi**, “Jeta e Re”, Prishtinë, 1997.
5. **“Morfologjia e dhembjes”, poezi**, “Faik Konica”, Prishtinë, 2000
6. **“Ai vjen nesër”, poezi**, Qendra e Kulturës, Klubi letrar “Fahri Fazliu”, Kastriot, 2007
7. **“Letër nga mërgimi”, poezi**, Klubi letrar “Fahri Fazliu” Kastriot, 2007
8. **“Letër nga mërgimi 2 “ poezi**, “Qendra e Kulturës”, Klubi letrar, “Fahri Fazliu”, Kastriot 2007
9. **“Udhëdarja”, poezi**, “Qendra e Kulturës”, Klubi letrar, “Fahri Fazliu”, Kastriot, 2008
10. **“Thirrje e gjakut”, poezi**, “Qendra e Kulturës”, Klubi letrar, “Fahri Fazliu” Kastriot 2008
11. **“Asgjë sikur molla”, poezi**, “Qendra e Kulturës”, Klubi letrar “Fahri Fazliu”, Kastriot, 2009.
12. **“Vesa në lotin tim”, poezi**, “Qendra e Kulturës”, Klubi letrar “Fahri Fazliu”, 2009,
13. **“Puthja e gozhduar”, poezi**, “Qendra e Kulturës”, Klubi letrar, “Fahri Fazliu”, Kastriot, 2009.
14. **“Kashelasha në vargje”, poezi për fëmijë**, “Qendra e kulturës, Kastriot, 2009.

15. **“Pema e bekuar”**, E përkthyer, Rumani, 2010.
16. **“Bajraktarët e vatanit”**, poezi satirike, Klubi letrar, ”Fahri Fazliu” Kastriot , 2010.
17. **“Hijet e ndryshkura”**, poezi,”Qendra e kulturës”, Kastriot,2010.
18. **”Stuhi në Kutulishte”**, poezi,”Qendra e kulturës”, Kastriot,2010.
19. **“Posa ikte nata”**, poezi, “Qendra e kulturës “, Kastriot,2010.
20. **“Loja e myshqeve”**, poezi,”Qendra e kulturës”, Kastriot,2010.
21. **”Lumëbardhi dhe gjëma”**, poezi,”Qendra e kulturës”,Kastriot, 2010
22. **“Metafora e heshtjes”**, poezi, “Qendra e kulturës”,Kastriot, 2010
23. **”Hyji në Prekaz”**, poezi,”Qendra e Kulturës”, Kastriot,2010.
24. **”Sinorët e hinore”**, poezi, Shoqata e Shkrimtarëve-Kastriot 2010
25. **”Don Kishoti dhe Rosinanti”**, poezi, Shoqata e Shkrimtarëve, Kastriot, 2010
26. **”Zjarri i dashurisë”**, poezi, Shoqata e Shkrimtarëve-Kastriot, 2010
27. **”Kur likenet vallëzojnë”**, poezi, Shoqata e shkrimtarëve-Kastriot, 2010
28. **“Ditari në vargje”**, poezi, Shoqata e Shkrimtarëve-Kastriot, 2010
29. **“Tingujt që nuk përfundojnë”**, poezi, Shoqata e shkrimtarëve –Kastriot, 2010.
30. **“Shtegu i mallit”**, poezi, Shoqata e shkrimtarëve-Kastriot, 2010

31. **"Korniza e thyer"**, Poezi, Shoqata e shkrimtarëve, -Kastriot, 2010
32. **"Zgjimi i gjëmës"**, Poezi, Shoqata e Shkrimtarëve-Kastriot, 2010
33. **"Vallja mistike"**, Poezi, Shoqata e Shkrimtarëve- Kastriot, 2010
34. **"Merre kodin"**, Poezi për fëmijë, Shoqata e shkrimtarëve Kastriot, 2011
35. **"Letër atdheut"** poezi, Shoqata e Shkrimtarëve-Kastriot, 2011
36. **"Tejdukshmëria e shiut"**, Poezi, Shoqata e Shkrimtarëve- Kastriot, 2011
37. **"Përtej teje"**, poezi, Shoqata e Shkrimtarëve-Kastriot, 2011
38. **"Sa afër e sa larg"** , poezi, Shoqata e shkrimtarëve-Kastriot, 2011
39. **"Vallja e zanoreve"**, Poezi , Shoqata e Shkrimtarëve- Kastriot, 2011
40. **"Ikja e eshtrave"**, Poezi për të rritur, Shoqata e Shkrimtarëve- Kastriot, 2011
41. **"Kalorësit e mjegullave"**, Poezi, Shoqata e shkrimtarëve-Kastriot, 2012
42. **"Hingëllimat e shiut"**, Poezi, Shoqata e Shkrimtarëve- Kastriot 2012
43. **"Kur pemët i ndërrojnë këmishët"**. Poezi, Shoqata e Shkrimtarëve- Kastriot, 2012
44. **"Mirëmëngjes Imzot"**, Poezi, Shoqata e shkrimtarëve – Kastriot, 2012
45. **"Kafshimi i mikut"**, Poezi satirike, Shoqata e Shkrimtarëve- Kastriot, 2012

46. **“Atje tej maleve”**, Poezi, Shoqata e shkrimtarëve , Kastriot-2012
47. **“Heshtja që del në shesh,”** Poezi, Shoqata e Shkrimtarëve, Kastriot -2012
48. **“Portat e shpresës”**, Poezi, Shoqata e shkrimtarëve, Kastriot-2012
49. **“Në dhomën time gjysmë të errët”**, Poezi, Shoqata e Shkrimtarëve- Kastriot, 2012
50. **“Kinse Lojë Shahu”**, Poezi, Shoqata e Shkrimtarëve- Kastriot, 2012
51. **“ Për çdo dekadë nga një baladë “**, Poezi, Shoqata e Shkrimtarëve – Kastriot, 2012
52. **“Fusha e mëllenjave”**, Poezi, Shoqata e shkrimtarëve- Kastriot, 2012
53. **“E kujt është kjo vetmi”**, Poezi, Shoqate e Shkrimtarëve- Kastriot, 2012
54. **“Mos pyet për adresën e lumit”**, Poezi, Shoqata e Shkrimtarëve – Kastriot, 2012
55. **“ Stoli në parkun vjetër”** Poezi, Shoqata e Shkrimtarëve- Kastriot, 2012
56. **“Urori i stralltë”**, poezi, Shoqata e shkrimtarëve –Kastriot, 2012
57. **“Po të mos ishte fjala”**, Poezi, Shoqata e shkrimtarëve- Kastriot,2012
58. **“Thyerja e urave”**, poezi, Shoqata e shkrimtarëve –Kastriot, 2012
59. **“ Trokëllimat në gjumin e dallgëve”**, Poezi, Shoqata e Shkrimtarëve- Kastriot, 2012
60. **“ Në flokët e dëborës”**, poezi, Shoqata e Shkrimtarëve –Kastriot, 2012
61. **“Një grusht nostalgji”**, Poezi, Shoqata e Shkrimtarëve-Kastriot, 2012



62. “ **Kur filluan të flasin njerëzit**”, poezi, Shoqata e shkrimtarëve- Kastriot, 2012
63. “**Kur stinët kapërcejnë fshehurazi**”, poezi, Shoqata e Shkrimtarëve – Kastriot, 2012
64. “ **Lisi në rrënjët e veta**” , Poezi, Shoqata e Shkrimtarëve –Kastriot 2012
65. “**Eca ecëm dhe do ecim**”, Poezi, Shoqata e Shkrimtarëve – Kastriot, 2012
66. “**Fëmijët e erës**”, Poezi, Shoqata e shkrimtarëve-Kastriot 2012
67. “ **Çast në fund të stinës**”, Poezi, Shoqata e Shkrimtarëve- Kastriot-2012
68. “**Si të flas me drurët**”, Poezi, Shoqata e Shkrimtarëve-Kastriot, 2012
- 69, “ **Më pëlqejnë mendimet e tua**”, Poezi, Shoqata e Shkrimtarëve- Kastriot , 2012
70. “**Andej dhe këndej kohës**”, poezi, Shoqata e Shkrimtarëve- Kastriot , 2012
71. “**Zëri i heshtjes**”, poezi, Shoqata e Shkrimtarëve- Kastriot, 2012
72. “**Kush i lexoi letrat prej erës**”, poezi, Shoqata e Shkrimtarëve-Kastriot, 2012
73. “ **Fluturimi i korbave në netët pa hënë**”, prozë poetike, Shoqata e Shkrimtarëve –Kastriot, 2012
74. “**Koha e ime dhe koha e jote**”, Poezi, Shoqata e Shkrimtarëve-Kastriot , 2012
- 75.” **Diku te një baladë**”, Poezi, Shoqate e Shkrimtarëve –Kastriot, 2012
76. “ **Sonte çdo gjë po i përngjan lotëve**”,Poezi, Shoqata e Shkrimtarëve –Kastriot, 2012
- 77 “ **Ky def prej hëne**”, Poezi, Shoqata e Shkrimtarëve-Kastriot, 2012

78. **“Pyesni zogjtë në ikje”**, Poezi , Shtëpia botuese “Fahri Fazliu”- Kastriot 2013
- 79 **“ Fërfërimë gjethesh”**, Poezi, Shtëpia 80. **“Refrene yjesh”**, Poezi, Shtëpia botuese “Fahri Fazliu”- Kastriot, 2013
81. **“Te delta e mjellmave”**, Poezi, Shtëpia botuese “Fahri Fazliu”, Kastriot- 2013
82. **“Rinjohja”**, Poezi, Shoqata e Shkrimtarëve “Fahri Fazliu”- Kastriot, 2013
83. **“Diku në fund të një fillimi”**, Poezi, Shoqata e Shkrimtarëve, “Fahri Fazliu”- Kastriot, 2013
84. **“Makthi i hijes”**, Poezi, Shoqata e Shkrimtarëve-“ Fahri Fazliu”Kastriot, 2013
85. **“Një zog prej uji”**, Poezi, Shoqata e Shkrimtarëve “Fahri Fazliu”- Kastriot,2013
86. **“Asnjë fjalë nuk frymon”**, Poezi, Shoqata e Shkrimtarëve, “Fahri Fazliu”- Kastriot, 2014-

## PËRMBAJTJA

<b>Në çdo kafshim molle - Cikli i parë .....</b>	<b>11</b>
Të kujt janë këto lot .....	13
Ku ishin duart e tua .....	14
Ishte një kohë e egër .....	15
Melodinë e një kënge .....	17
Nga parzma e tokës mëmë .....	18
Një kalorës i zi .....	19
Te një mol i vetmuar .....	20
Si gjethet e fishkura .....	21
Deri sa ti .....	22
I shkund trishtimet e beharit .....	23
Nëse ngjan e kundërta .....	24
Kjo copë prej mjegulle .....	25
Degët e manës së zezë .....	26
Zogjtë e fundit të shpresës .....	28
2. ....	29
Kam etje .....	30
Në mendjen e ndryshkur .....	31
Me t'i numërua mëkatet .....	32
Te kepi i trishtimit .....	33
Se si t'i përngjajmë penelit .....	34
Në çdo kafshim molle .....	35
Fotografia .....	36
<b>Asnjë fjalë nuk frymon - Cikli i dytë .....</b>	<b>37</b>
Kush i kyçi dritat .....	39
Askush nuk më njeh .....	40
Ecën edhe këmishët .....	41

Qyteti i lidhjes .....	42
Një njeri .....	43
Kjo kohë .....	44
Lakmia .....	45
Tatuazhin e një kryqi .....	46
Kurse këtu brenda .....	47
Mbi qivurin e një stine .....	48
Asnjë fjalë nuk frymon .....	49
Na degdisi si zogjtë e verbër .....	50
Ndoshta për herë të parë .....	51
Kur flenë zogjtë e fjalëve .....	52
Vazot prej mjegullave .....	53
Nëpër udhët e rapsodive .....	54
Si fëmijët me kuaj prej bastuni .....	55
Mbyllen qepenat e dyqaneve .....	56
Një natë si kjo .....	57
Unë di fare mirë .....	58
Natën vijnë lejlekët .....	59
Nëpër xhamat e gjumit .....	60
Nga durimi i lisave .....	62
Dromcat e së kaluarës .....	63
Gërhitja e një ore muri .....	64
Kur të mbërrimë te një pemë .....	65
Mes hapave të erës .....	66
Mbase te varret e fshatit .....	67
<b>Makthi im i mirë - Cikli i tretë</b> .....	69
As prej lejlekëve shtegtarë .....	71
Si një hije e tejdukshme .....	72
Akoma edhe sot shpresojnë .....	73
I shikonte lisat e gjatë .....	74

Nëse nuk vjen sonte .....	75
M'i mori të gjitha ëndrrat .....	77
Këtë kurorë trishtimi .....	78
Drurëve të ngulur .....	80
Jo miku im jo .....	81
Nëse të zë nata në befasi .....	82
T'i përngaj feniksit .....	83
Mbrëmë kuptova .....	84
Ku do të më mbetin eshtrat .....	85
Jam disi më esëll .....	86
Nuk mbeti asnjë kojrrile .....	87
Mbi qiellin e vranë .....	88
Malli .....	89
Mbrëmë ishim larg .....	90
Makthi im i mirë .....	91
Biografia .....	92

**Botimin e këtij libri e financon  
DREJTORIA PËR KULTURË, RINI DHE SPORT I  
KUVENDIT KOMUNAL-OBILIQ**

Katalogimi në botim – (CIP)  
Biblioteka Kombëtare dhe Universitare e Kosovës

821.18-1

Zaplluzha, Adem

Asnjë fjalë nuk frymon / Adem Zaplluzha.

- Kastriot : Shtëpia botuese “ Fahri Fazliu” , 2014.  
- 101 f. ; 21 cm.

Adem Zaplluzha : f. 92-98

**ISBN 978-9951-664-04-2**